



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

§. 1. De Electione essentiâ & divisone.

[urn:nbn:de:hbz:466:1-62040](#)

eaptui, quantum possibile, nos accom-damus, faciliūs alsequantur, in septem paragraphos dividendam duximus. §. 1. agitur de Electionis Essentia. 2do. De For-ma Electionis. 3to. Qui eligere possint.

4to. Qui eligere & eligi prohibentur. 5to. De Actu Electionis. 6to. De Elec-tione per scrutinium. 7timo. De iis, quæ sunt post Electionem.

§. Primus.

DE

Electionis Essentia & Divisione.

Quæres primo. Quotupliciter sumi-tur electio? *¶* Quandoque sumi-tur latissimè pro quaunque vocatione ad beneficium, sic collatio Canonicatus, vel creatio Canonici dicitur electio. Cap. cum Ecclesia. 31. de electione. Item præsentatio populi ad beneficium voca-tur electio. Cap. querelam. 24. ibid. Quandoque sumitur latè pro vocatione alicujus personæ ad beneficium Ecclesiasticum canonice facta per suffragia & alterius confirmationem. Cap. dudum. 22. ibid. Sic in quibusdam Ecclesiis Colle-giatis fit electio Capituli ad inferiores dignitates, ut Decanatus, Scholasteria, Choropiscopatus, &c. In quibusdam monasteriis fit electio Prioris, &c. De-nique sumitur electio strictè ac propriè.

Quæres secundo. Quid est electio propriè dicta? *¶* Est personæ idoneæ ad Ecclesiae vacantis pastoralem dignitatem per eos, quibus competit, canonica vocatio. Sumitur ex cap. cum in cunctis. 7. cap. quia propter. 42. de electione. Dicitur 1mo. Ad Ecclesiae vacantis digni-tatem pastoralem; quia electio propriè dicta solùm fit ad Ecclesias sive regulares sive seculares Pastore suo viduatas. Di-

citur secundo: Per eos, quibus jure com-petit; ut electionis causa efficiens signi-ficitur. Dicitur 3to: Canonica, id est, solemnis & servatâ formâ à Canonibus præscriptâ facta vocatio. Dicitur 4to: Vocatione: ut distinguatur ab institutione & collatione, per quæ acquiritur jus in beneficio, per electionem vero accepta-tam jus tantum ad beneficium. Quare electo ante confirmationem mortuo, beneficium non per mortem novi elec-ti, sed per Prælati prioris obitum vacat, be-neficia electi ante ejus confirmationem non vacant, electus ante confirmationem sine consensu superioris juri suo ce-dere potest.

Quæres tertio. Quot modis Prælati ad dignitates & beneficia assumuntur? *¶* Tribus modis: 1mo. Per Superioris in-stitutionem, præcedente præsentatione vel nominatione. 2do. Per Superioris confirmationem præcedente canonica electione. 3to. Per liberam collatio-nem, & simplicem provisionem. Unde tria beneficiorum genera, patronata, electiva, & libera seu collativa, oriuntur.

Quæres quarto. Quomodo electio propriè dicta distinguitur à præsentatio-ne?



ne? *q.* Modis sequentibus: *1mo.* Jus præsentandi, quantumvis spirituale sit, ex gratuita tamen Ecclesiæ concessione datur etiam Laicis, si sint patroni, hoc est: Fundatores, Constructores aut Dotatores alicujus Ecclesiæ. *Gloss. in can. pia mentis. 26. caus. 16. q. 7.* Trident. *Seff. 14. de reform. cap. 12.* Jus autem eligendi solis personis Ecclesiasticis & non Laicis competit. *2do.* Factâ præsentatione ad aliquod beneficium, præsentato nondum jus acquisitum est, si enim patronus sit Laicus, qui superiori Ecclesiastico aliquod subjectum etiam idoneum ad beneficium præsentavit, variare & alterum addere potest, ita ut in optione collatoris sit, quem illorum malit instituere. *Cap. cum autem. 24. de jure patronatus.* Si sit patronus Ecclesiasticus, quamvis factâ semel præsentatione variare non possit, sed ille institui debeat, qui prior est præsentatus, dummodo sit idoneus, attamen si Capitulum v. g. habens jus præsentandi capitulariter consentiat in præsentationem tertii re integrâ, & præsentatione nondum Superiori oblatâ, resilire potest, & alium præsentandi haber facultatem, ast postquam electionis scrutinium est publicatum, variare non licet. *Cap. publicato. 58. de electione.* Sed per publicatam electionem Electus saltem remotè jus acquisivit, ut Electi consensus necessariò sit requirendus. *3to.* Electio facta antequam Superiori confirmanda præsentetur, Electo intimanda est, ut con - vel dissentiat. *Cap. quam sit. 6. de electione. in 6.* At præsentatio, quæ directe ad Superiorē dirigitur, præsentato, ut consentiat, non necel-

sariò intimatur, cùm per talem consen-
sum præsentatus nullum jus acquirat.

Quæres quinto. Quomodo electio à collatione vel simplici provisione dif-
fert? *q.* Per collationem seu provisio-
nem de Prælatura quasi dominium & jus
reale in beneficio acquiritur, ut si alicui
à Pontifice de Episcopatu propter reser-
vationem in *Extrav. ad regimen. de pre-
bend. inter com.* aut propter devolutio-
nem. *cap. quanquam. 18. de electione. in 6.*
providetur, habet jus in re, per elec-
tionem verò solum jus ad rem acquiri-
tur. Unde *1mo.* Si electus ante confir-
mationem moriatur, prælatura vacat,
non per mortem electi, sed per mortem
antecessoris. *2do.* Electus ante obtentam
confirmationem liberè renuntiare potest;
cui autem per collationem vel quam-
cunque institutionem provisum, validè
renuntiare non potest, nisi in manus
superioris aut ordinarii Collatoris. *Cap.*
admonet. 4. de renuntiat. can. non oportet.
19. caus. 7. q. 1. 3to. Electus ante confir-
mationem beneficium administrare
nequit, benè tamen provisus.

Quæres sexto. Quomodo electio à no-
minatione differt? *q.* Per nominationem
nominato nullum jus acquiritur, per
electionem, maximè acceptatam, ac-
quiritur jus electo. *2plex est autem no-
minatio: 1ma.* Si ante electionis scruti-
nium unus vel plures capitulo tanquam
viri boni & ad prælaturam idonei pro-
ponantur, quā tamen nominatione non
obstante, Electores alium eligere pos-
sunt. *Cap. quod sicut. 28. de electione.* *2da*
nominatio similis est præsentationi, si
duo vel tres alicui Superiori proponan-
tur:

tur, ex quibus unum eligere debeat. Consuetudo taliter nominandi in Laicis reprobatur per cit. cap. quod sicut. Ex specialibus tamen privilegiis Reges & Principes jus nominandi ad Prælaturas suarum ditionum habere noscuntur, sic in Hispania, Gallia, Belgio Episcopatus & Abbatiae ad Regis pertinent nominationm.

Quæres septimo. Ubi hodieum jus eligendi viget? R. In plerisq; Regnis & Provinciis exiguis est eligendi usus; in Italia enim Episcopatus aliisque beneficia tam regularia quam secularia electiva, utpote excedentia communiter 200. per regulas Cancellariae sunt Papæ reservata, extra Italiam in Hispania, Gallia, Belgio Episcopatus & Abbatiae ex specialibus privilegiis ad Regum & Principum spectant nominationem, in Germania tamen ob concordata inter inclitam Germanorum nationem & Sedem Apostolica-
cam tempore Nicolai V. inita, in Ecclesiis tam Regularibus quam secularibus jus & consuetudo viget electionis, tanquam perpetuum libertatis Ecclesiasticae insigne & monumentum.

Quæres octavo. Quo tempore de electione tractandum? R. Quamdiu vivit Ecclesiæ Prælatus, licet ejus vita sit desperata, tractatus de electione non tantum illicitus, sed & invalidus est, sed Ecclesia, de cuius eligendo Pastore agitur, vel per mortem naturalem vel civilem, ut depositionem, vel renuntiationem acceptatam. cap. fin. de electione. vel per translationem ad aliam Ecclesiam vacare debet. Can. Episcopus. 37. caus. 7. q. 1. Ratio, quare electio Sede non-

R.D.Schnorrenberg Instit.7. Can.

dum vacante fieri prohibetur, est: "Ne desiderare quis mortem proximi videatur: in cuius locum seu beneficium se crediderit successorum. Cum enim in ipsis etiam Gentilium legibus inveniatur inhibitum, turpe est & Divini plenum animadversione judicii, si locum in Ecclesia DEI futuræ successio-
nis expectatio habeat, quam ipsi etiam Gentiles condemnare curârunt." Cap. nulla. 2. de concess. præbend. Trident. Sess. 24. de reform. cap. 19. Arg. l. fin. C. de pactis. L. pactum dotale. 3. C. de collatione.

Quæres nono. An ante sepulturam defuncti Prælati electio fieri possit? R. Decens est, ut corpus Prælati defuncti prius sepulturæ tradatur, quam de successoris electione agatur. Cap. bona. 36. de electione. Electio tamen ante tumulatum funus facta de jure valet, quia mortuo viro soluta est uxori à lege matrimonii, u: inquit Gloss. in cit. cap. bona. verb. tractatum.

Quæres decimo. Intra quod tempus Ecclesiæ vacante facienda electio? R. In Ecclesiis Cathedralibus & Regularibus, electio intra tres menses, nisi justum obstat impedimentum, celebranda est. Cap. ne pro defectu. 41. de electione. In minoribus dignitatibus & beneficiis dantur sex menses. Cap. nulla. 2. de concess. præbend. Quo tempore elapsò jus eligendi amittitur, & eâ vice ad Superiorē devolvitur. cit. cap. ne pro defectu. "Is vero, ad quem devoluta fuerit potestas, DEUM præ oculis habens, non differat ultra tres menses viduatam Ecclesiam de persona idonea ipsius quidem Ecclesiæ, vel alterius, si digna non reperiatur in illa,

E

,, ca-



"canonicè ordinate." *Cit. cap. pro defectu.* Eo autem negligente jus eligendi ad alium Superiorē, & sic gradatim usque ad ipsum summum Pontificem devolvitur.

Quæres undecimo. A quo termino tempus trimestris currere incipit? *¶ Menses facienda electioni concessi currunt à die mortis Pastoris. Gloff. in can. postquam. 11. dist. 50.* Vel potius ab horâ mortis, & vacationis scientia; tempus enim electioni definitum non continuum, sed utile esse debet, unde dies, in quibus fuit impedimentum, numerandi non sunt. *Cap. quia diversitatem. 5. de concess. prabend.*

Quæres 12mo. An præviè ad electionem capitulationes, ut vocant, fieri possint, hoc est, an electores, antequam eligant, de certis articulis, quos omnes promittunt sub juramento se servaturos, si in Prælatum eligantur, convenire valeant? *¶ 1mo.* Si in articulis illis eligendo Prælato solummodo injungatur observantia illorum, ad quæ ex pastorali suo officio alias tenetur, similes capitulationes illicitæ non sunt, sed ju-

ramentum adjectum validum est & ferandum. *Arg. cap. 1. de jurejur. in 6.*

2do. Si illi articuli sint in præjudicium liberæ administrationis, dignitatis, bonorum ad mensam Prælati spectantium, omnes tales capitulationes sunt invalidæ, & juramenta iisdem adjecta neque in foro externo neque in foro conscientiæ obligantia. *Cit. cap. 1. de jurejurand. in 6. cap. sicut nostris. 27. de jurejurand. junct. gloff. verb. reducas.* Et constitutiones speciales S. Pii V. & Gregor. XIII. similes capitulationes sub gravissimis pœnis prohibuerunt & irritarunt. At nostris temporibus Innoc. XII. in constitutione, quæ incipit: *Ecclesia. 1695. 22. 7bris promulgata præcedentium Pontificum constitutiones innovando ejusmodi capitulationes, pactiones, concordata, sub gravissimis pœnis, earum reservatione & auctorum irritatione prohibuit.* Post electionem factam similes capitulationes cum electo inire non prohibuit, illas tamen post electionem initas Pontifex judicio Sedis Apostolicæ submitti, eorumq; executionem ante Pontificis confirmationem suspensam esse præcepit.

§. Secundus.

D E

Forma Electionis.

Quæres primo. A quibus instituenda dies electionis? *¶ Mortuo Prælato Capitulares, qui præsentes, in Capitulo convenire, diem electionis capituloiter constituere, eumque Electoribus absentibus per literas vel nuntium*

specialiter intimare debent. *Cap. cxxx inter. 18. de electione.* Quod si non sciatur, ubi Capitulares absentes morentur, citatio per edictum generale ad valvas Ecclesiæ facienda est. Etsi autem Capitulares præsentes absentibus etiam coarctando